



Annoniam scribit Lessabæus olim Pannoniam à Panos cultu vocatam; deinde Saltû carbonarium; postea Picardiz inferioris titulo cognitam dicit, sed tandem Hannonia nomen, quo hodie inualescit, ab Hania flumine (quod mediam regionem secat) obtinuit. Haniault incolæ, & Henegavv Germani appellant. Habet hæc Hannonia Flandriam cum Artesia ab Occidente; Brabantiam à Septentrione: qua orientem Solem aspicit. sunt illi iidem Brabanticum Namurcis & Leodiensibus vicini: à Meridie Campaniam Gallorum Regis prouinciam attingit. Regio est, si quæ alia hoc tractu, nemoribus, lacubus, fontibus irriguis, pratis & pascuis admodum amœna. Gens bellicosa & erga Principem fide & officio incomparabilis. Habet in longitudine plus minus viginti, in latitudine sedecim miliaria. In eo ambitu comprehendit viginti quatuor oppida, & plus quam nongentos quinquaginta pagos aut villas: vt Guicciardinus author est. Robertus Cænalis in ea bis mille ducentas villulas turri campanaria (vt vocant) insignitas numerat. Titulo Comitatus hodie ornata est: & habet in se Principatû (vt hodie dignitatis vocabulum vulgò sonat) octo Comitatus, duodecim Pares (vt hodie appellant) viginti duos Baronatus, viginti sex Abbantias, astosque dignitatis titulos, quæ omnia apud Guicciardinum videre licet. Vrbes in ea primariæ sunt Montes (Germ Bergen in Henegav) & Valenciæ: hæc ad Scaldim fluium qua is nauigia ferre incipit, sita, amplitudine & vallatis mœnibus incluta est. Plebs mercimonijs & negotiationibus vt plurimum indulget: magnumque sibi emolumentû ex eo panni genere, quod vulgus fuffetas, & in hac vrbe magna quantitate contexunt, atque hinc in remotissimas orbis regiones aueritur, parant. Plebs opulenta, plerunque rem faciens ex telæ quodam genere, quod vernaculè Sayam appellant, cuius ibi ingens copia conficitur. Sunt præterea Condatum, Halla, Angia, Malbodium, Auefne, Bellus mons, Chimacum, Quercetum, Binchium Mariæ Caroli s. Imp. sororis à curis diuerticulum, atque extractis ibidem ædibus planè magnificis, quondam in delicijs habitum. Sed postea ab Henrico 3. Gallorum rege incendio & ruina fœdaturum Bistritæ Bauarû, vulgò Bauais, quæ nonnulli Baganû vel Bagacû Ptolomzi esse arbitrantur: nonnulli illud Belgium Cæsari in suis commentarijs dictum volunt. Hubertus Leodius tamen non existimat Cæsaris temporibus tam potens fuisse, sed sub D. Constantino Imperat. potius floruisse; idque ex numismatibus, quæ ibi magna quotidie copia, huius imagine signata, effodiuntur, colligit. Visitur in huius foro columna lapidea, sub qua ab incolis inchoare omnia eiusmodi viarum capita referuntur, quæ ab eo loco in omnes Galliz partes & sublimi atque recto tramite exporriguntur has Brunehildi opera confratas fama loquitur. eius quoque nomenclaturam in hunc vsque diem seruant. chemins de Brunehault, Gallicum vulgus: Germanicum verò Die Cassete vocat. Durant vsq; hodie harum viarum plurimis in locis vestigia, sed interrupta. hæc id præsertim miraculi habent (vt scribit Bouillus) quod sublimiores sint vicinis vtrinque agris: quodd inter singula Galliz oppida rectissimum iter conficiunt; quod silicinis lapillis, qui etiam vicinis in agris defunt, sternuntur; adeo vt vel ab humo ebulliuisse silices, vel æthere sublimi eos pluuisse quis iudicet; vel alia quàm humana manu & opera vndecunque toto Orbe lectos in eiusmodi viarum ruderationem quis de miretur. Sunt quoque in huius regionis limite versus Mosam fluium, quæ in Galliam iter patet, Carolomons, Marienburgum, & Philippouilla in hoc tractu contra Gallorum irruptiones firmissima præfidia, à Carolo s. Imp. Mariæ eius sorore & Philippo eius filio extracta & denominata. Diues est hæc regio ferri & plumbi fodinis. Effodiuntur hic quoque diuersa marmorum genera, vt sunt, album, & nigrum, item pluribus coloribus variegatum, ad Regum & Magnatum ædes & sepulchra ornanda valde accommodata. Calx viua hic etiam ex terra eruitur. Item carbonès lapidei & atrii, bituminis indurati natura, quibus incolæ loco lignorum in extruendo focò vtuntur. Conflantur hic quoque vitrex illæ laminæ pellucidæ, quib. omnem cœli iniuriam ex templis & ædibus prope limas: hæc; præ alijs quæ alibi locorum sunt, palmam præstantia ferunt. Omne item vitreorum vasorum genus & supellex hic conficitur. Vide plura apud Ludouicum Guicciardinum, & Iacobum Lessabæum, qui peculiarem libellum de hac regione conscripsit. Hubertus Thomas Leodius quoque in suo de Tungris & Eburonibus libello non contemnenda de hac ipsa Hannonia recenset.

NOBILIS
 HANNONIE
 COMITATVS
 DESCRIPTIO
 Auctore
 Iacobo Surho-
 mio Montano
 Coloniae
 Formulis Iani Bussene chrs
 Anno dñi 1596



DOMINVS MIHI
 ADIVTOR
 REX PARS COMES HANNONI PHILIPVS II CATOLICVS D G HISPAN IND ET REX



Sala miliarium Hannonicor que
 hanc mli
 1
 2
 3
 4
 5
 6
 7
 8
 9
 10
 11

